

開原縣志

地 410.113
37
11-8

第一冊	序	職名	目錄	詔諭
	凡例	圖		天文
				星野
				祥異



咸豐丁巳重脩

扶
餽
供
事

秦
秦
開
原
系
友

全祿謹款

席在京
斷
鄂南

續脩開原縣志序



周禮大宗伯屬有外史專掌四方之志蓋將以徵治忽考勸懲非徒窮搜博採徵文考獻已也夫開原於古為爾慎地枕山帶河脈接長白洵

開原縣志

序

一

盛

京之保障尤不可無志也明甚矧自

世宗憲

皇帝御極十一年曲沃衛少師諱彙

纂一統志當即

命儒

臣增修復重其率於郡邑斯志之作

也由來久矣余自咸豐六年来泣若土甫下車詢及此僉曰乾隆五十六年

有明公亮創修一時傳鈔洛陽紙
貴迄今八十餘載矣其可記政事
文章與夫官方民俗之有闕治道
者胥歸散佚披閱之餘躊躇者久
之圖繪未傳則難於臆度記錄未
詳則難於去取古今事類襍沓則

難於覈實而傳信以余才之不敏
而繼明公之創修俾爰日為所依
掇求如靈壽志之卓然名史者
卒妙且班孟以良史才作括地
志識者猶病為偏如余之固陋
蒼藁比焉敢信為然乎幸值

盛京纂修通志編諭各縣補叙輯
為成書爰偕同城守尉萬公訓
導華公選地設局慎遴公正紳
士膺分校採訪諸任勤事者不
顧晨昏董事者不避寒暑綱
羅舊聞重修斯志考之於鈔

開原縣志

序

三

簡抄編白之於諮取閱歷詳
慎纂輯廢者率墜者修謬者
正略者詳按記攷覈檢為精
密其因之者什之七八而續之
者什之二三庶自茲以往山川
之形勢政治之興廢人物之傑

出風俗之遷移靡不一目了然非止此也而里猶難愛緣為奸游民難隱匿為匪豈不懿歎此志也逾六月而稿成又逾十月而剖刷畢費數千餘緡均都人士

開原縣志

序

四

所輸余雖捐產為助不過司牧者分內事耳要惟賴諸君子慷慨不惜財董理不辭瘁以相與有成因竊撰數語於簡端不敢沒明公之善實僅德明公之志

益望後日增修者與

國史共垂不朽而庶

盛世休明之運焉

時

咸豐七年歲次丁巳仲冬甲午


科舉人知開原縣事完顏氏

開原縣志

序

五

全祿廉 謹撰



明邑侯原序

粵稽開原乃古肅慎氏也漢唐以來或爲扶餘或爲高句麗其世代何以相嬗君長何以爲治疆域之分界風俗之澆醇無籍可稽不過爲諸夏之荒服中州之虎落云爾然而數爲邊郡遼東樂浪有名後至寔昌契丹女貞並據迨明興元廢掃除更張設衛分防號曰三萬則茫茫東土而爲爭戰之場兵燹之地者不知幾千年矣洎乎

國朝定鼎設縣龍岡有土無民勢同荒塞乃有孔何劉

開原縣志

明序

周諸宰迭守是邦政悉肇端社皆新募故耕田鑿井幾爲草昧之初開而課士興賢未洽絃歌之雅化今則百有餘年矣

聖天子仁恩高厚

大京北教育宏深綠壤青疇已見物阜民安之樂饗官泮水不乏書升論秀之才創始者未觀厥成而繼事者欣逢其盛亮也守楸欣當泰運撫茲初備幸何如之於是寅僚紳士共以修志爲詞嗟乎不修則貽譏缺典實爲茂古而荒今欲修則自愧操觚不啻蟲

雕而蚊負所賴諸君子之旁搜遠紹以襄予一介之
淺見寡聞則目前之實錄謹存惟將來之宏通是望
也故爲序以誌之

皆



乾隆五十六年歲次癸丑小春之吉壬午科舉人知

開原縣事白山明亮炯菴氏撰

開原縣志

明序

二



胡廣文原序

且善作者不必善成善始者不必善終始作終成之際蓋難言矣卽如一誌之缺百有餘年典故無傳士林同慨夫以應纂之譜又適值乎宜纂之秋因無佐理之資遂徒懷夫欲修之願者如明公之於縣志是已余自庚戌履任以來素聞以編輯爲辭第謂陽春白雪邑鮮知音卽欲古調獨彈又慮公私煩劇難登大雅之堂也茲者幸遇留都紀畧之便得酬夙願於青藜矧蓮幕嘉賓皆殫見洽聞之士詞壇寅好盡登

開原縣志

胡序

三

高作賦之才乎蓋機會難逢人文易渙乃急起而圖之或本通志以引伸或考卷宗以序事甚至藏書遺簡不惜遠紹旁搜碩德耆年更可廣詢博採既條分而縷晰亦綱舉而目張上下古今貫穿經史俾數百代之蔓草荒烟直以銀筆之鋒自我而抉其奧遂令佳氣祥雲色表龍岡之瑞名山勝水境開鳧史之天人才不減於中州景物倍新於函夏增輝者忠孝節義潤色者動植飛潛文簡而精事實而覈且信以傳信疑以傳疑有甲戌夏五之真無豕亥魯魚之誤牢

籠萬態囊括三邊班左竝馳董南齊轡何多讓也况我

國家大化覃敷雖海澨之邦莫不衣冠文物開原近屬內地豈得以荒徼自遺乎夫鼓吹休明歌頌昇平者乃吾黨事也不揆樛昧號召諸生珥筆於翰墨圖書之側以終成明公之願亦以盡已之職焉何快如之時

乾隆五十六年歲次癸丑孟冬乙酉科舉人教諭銜管

開原縣志

胡序

四

開原縣訓導事范陽胡耀甲謹序

開原縣志

凡例

一開原前志久係傳鈔垂今百餘十年漸即凋敝而旁搜博採僅得一二函焉今兼前志釐定并

盛京通志史記諸書考核而損益之信則書疑則闕以俟考願知者譽焉

一凡志首繪圖編分卷帙患紛繁無統紀覽者渺所依據今立綱有三卷有八圖有十六兼總條貫一展卷而若在眉睫間也奚俟陳詩觀風始知地方之奢儉

開原縣志

凡例

五

乎

一各省縣志大抵以天文地理人事分編今志首恭錄詔諭不入卷帙昭永遠翊戴也次則天文又次則地理人事諸類至於專紀以外有附列者有分見者有可參觀而互証者要裁酌相合以省卷帙

一各類小序理宜仍舊乃接近今事宜擇可因者存之可革者去之又續入新序非求異於前人實尊尚古昔求合於今之義云

一星野分隸之說入度之差數家多聚訟焉而能談休

咎者往往有所奇中今因前志從畧概行補入以備
觀省

一疆域內四至八界皆旗民員統轄之地議叙議處自
有區別但前志多畧今按所隸者詳列開載以便查
覽

一山川志較前志畧增一二其有稱名之異者皆詳注
於後其有景物之奇者亦備載於下至於山之來脈
川之源流悉查勘確實俾觀者一目了然

一城中街巷集市前志闕而未紀竊思城當南北衝要
士農工商肩摩轂擊而不知街巷之多少集市之遐
邇奚以定其趨嚮哉今與廟宇衙署繪爲一圖歷歷
詳載至篇帙之繁所弗恤也

一前志八景註未詳明今實分爲景物有八各加註釋
俾流傳弗失

一學校志所載者各有增減列註詳明至文武定額各
二今又加定額各二亦細陳志內愈見文風蒸蒸日上
上也故前後備記以著學校爲鼓勵人才之地不容
或輕

一祀典有係奉

旨加封頒

賜匾額并本年修舉禮樂必博考詳註以防日久闕畧且從祀

諸賢里居爵號概覈實續入庶爲後來考覽之助

一選舉詳文武二科登進正途也貢生亦其亞者若夫納粟成名未登仕版者概從畧焉

一兵防志內前志未載八旗軍器及統轄等處旗務今臚列細陳並將民壯團練附後以重武備

開原縣志

凡例

七

一戶口田賦前志列記題銷數目以雍正十三年起至乾隆五十八年邑志書成止按年臚列未能詳載今增續自雍正十三年起至咸豐七年止所有題銷之數悉爲備載

一風俗所尚世道人心於以見焉前志酌歸簡易一二語蔽之今訪耆老傳聞里巷遵行詳於簡編斯問俗者不至徘徊歧路矣

一名宦志內有非此處官爵而誤載者有非此邑任畧而攔入者或身事兩朝迹附畔逆俱經查核概不登

錄所有增補諸名宦要皆制行醇備斯無以僞冒真
之失

一節烈婦女將已請

旌典者續入志乘即未請者亦當列傳於後以顯幽光因

志書尺幅有限尤實關

國家鉅典礙難瞻徇俟後彙案題請再并纂入用以彰風

俗之媿云

一藝文志內備極採訪猶恐失漏所有前志載張捧趙

銑馬得英傅錫齡李耀東傅錫通史天民邛際昌孫

開原縣志

凡例

士端馮有德姜禮梁玉衡李進佟際清朱爾魁姜義

陳靖李攀桂郝榮貴張惠王文雅等詠應試諸詩不

合志乘體裁概從割愛餘若詠景物詩賦仍舊登錄

不沒所長而近時志中採入詩文惟擇堪挹者錄之

一雜錄不足以列正史而可驗時事資博考附會者不

入

一邑乘與國史並垂意嚴筆簡不溢美不掩善不失實

以存志體故無論職官人物非論定之後例不立傳

至時賢著作得見者少殊媿蒐羅未盡請俟後之載

筆者

開原縣志

凡例

九

原修開原縣志銜名

督修

奉天府開原縣知縣 明亮

叅閱

開原城守尉 六十七

纂修

開原縣訓導 胡耀甲

開原倉官乙酉拔貢 幹濟

鐵嶺丁酉拔貢原任直隸撫甯縣教諭 林桂森

開原縣志

原修銜名

十

浙江例貢候選州判 駱椿

浙江山陰縣太學生 陳其垣

浙江山陰縣太學生 沈士泰

協理

開原縣典史候補吏目 周浩

開原縣典史 王炳

開原縣典史 王鳳池

採訪

丁酉拔貢 李潤